

Na osnovu člana 16. stav 4. Zakona o Vladi Zeničko-dobojskog kantona-Prečišćen tekst („Službene novine Zeničko-dobojskog kantona”, broj 7/10) a u vezi sa Odlukom Upravnog odbora Javne ustanove „Dom penzionera“ u Zenici broj: 351/2013 od 22.05.2013. godine, na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 112. sjednici održanoj dana 05.06. 2013. godine, d o n o s i

## ZAKLJUČAK

### I.

Prihvata se Odluka Upravnog odbora Javne ustanove „Dom penzionera“ u Zenici, broj: 351/2013 od 22.05.2013. godine, o pokretanju stečajnog postupka.

### II.

Prima se na znanje Obavještenje vršioca dužnosti direktora Javne ustanove „Dom penzionera“ Zenica od 23.05.2013. godine, da je sačinjen i upućen u proceduru Prijedlog za pokretanje stečajnog postupka zbog platežne nesposobnosti Javne ustanove „Dom penzionera“ Zenica.

### III.

U cilju zaštite prava korisnika usluga Javne ustanove „Dom penzionera“ Zenica Vlada Zeničko-dobojskog kantona predlaže Skupštini Zeničko-dobojskog kantona, kao osnivaču, da donese Odluku o davanju saglasnosti za pokretanje stečajnog postupka nad Javnom ustanovom „Dom penzionera“ Zenica.

### IV.

Utvrđuje se Prijedlog Odluke o davanju saglasnosti za pokretanje stečajnog postupka nad Javnom ustanovom U „Dom penzionera“ Zenica i ista se upućuje u dalju skupštinsku proceduru.

### V.

Zaključak stupa na snagu danom donošenja.

Broj: 02-\_\_\_\_\_ /13.

Datum, 05.06.2013. godine

Z e n i c a

**PREMIJER**

*mr.sci. Fikret Plevljak,dipl.ing.*

DOSTAVLJENO:

1x Ministarstvo za rad, socijalnu politiku i izbjeglice,  
1x JU „Dom penzionera“ Zenica (putem Ministarstva),  
1x Stručna služba Skupštine,  
1x a/a.

## **Obrazloženje**

### **PRAVNI OSNOV**

Prema odredbama člana 4. Zakona o stečajnom postupku („Sl. novine F BiH“, broj: 29/03,32/04 i 42/06) za podnošenje prijedloga za otvaranje stečajnog postupka za stečajnog dužnika ovlašten je zakonski zastupnik pravnog lica. S obzirom da je JU „Dom penzionera“ Zenica osnovana Zakonom o Javnoj ustanovi „Dom penzionera“ u Zenici („Sl. novine Zeničko-dobojskog kantona“, broj: 14/96) to je Skupština kao osnivač nadležna za odlučivanje o saglasnosti za pokretanje stečajnog postupka, s obzirom da je nastupila platežna nesposobnost JU „Dom penzionera“ Zenica. Iz navedenih razloga Vlada upućuje u dalju skupštinsku proceduru Odluku o davanju saglasnosti za pokretanje stečajnog postupka nad JU „Dom penzionera“ Zenica.

### **RAZLOZI ZA DONOŠENJE**

Obavještenjem vršioca dužnosti direktora JU „Dom penzionera“ Zenica od 23.05.2013. godine ovo Ministarstvo je upoznato da je Upravni odbor JU „Dom penzionera“ Zenica na vanrednoj sjednici održanoj 22.05.2013. godine donio Odluku broj: 351/2013 od 22.05.2013. godine o pokretanju stečajnog postupka. Također istim obavještenjem upoznato je Ministarstvo da je sačinjen i upućen u proceduru Prijedlog za pokretanje stečajnog postupka nad JU „Dom penzionera“ Zenica. Razlozi za naprijed navedeno su u tome što da je račun javne ustanove kod INVESTICIONO-KOMERCIJALNE BANKE DD ZENICA 134-010-000001 1566, blokiran u više navrata, a sada ponovo od 17.05.2013.godine po osnovu sudskog Rješenja o izvršenju broj: 43 0 P 043877 12 I, što proizlazi iz Potvrde banke koja se dostavlja u prilogu. Svaka blokada računa nastupila je zbog izvršenja pravosnažnih i izvršnih presuda po osnovu potraživanja iz radnog odnosa. Ističemo da je zadnja blokada računa nastala zbog potraživanja bivšeg zaposlenika ove ustanove.

S obzirom da su sve do sada preduzete mjere Vlade uticale na pokretanje poslovanja javne ustanove, Ministarstvo za rad, socijalnu politiku i izbjeglice predlaže da se pokrene procedura otvaranja stečajnog postupka, jer pod prijetnjom stalnog blokiranja računa ustanove nemoguće je organizovati dalje funkcioniranje ustanove.

Kako je u javnoj ustanovi već smješteno 28 korisnika usluga, vode se aktivnosti oko zaštite navedenih korisnika za koje je osnivač dužan nastaviti brinuti i nakon prestanka ustanove, te će ovo Ministarstvo u daljoj proceduri izraditi novi prijedlog rješavanja ovog pitanja po hitnom postupku, što je u skladu sa članom 52. Zakona o ustanovama („Sl.list R BiH“ broj: 6/92, 8/93 i 13/94).

Iz navedenih razloga predlaže se Vladi donošenje zaključka kao u prijedlogu.

Ministarstvo za rad, socijalnu politiku i izbjeglice

**MINISTAR**

U Zenici, maj 2013. godine

---

Ivica Ćurić

**PRIJEDLOG**

Na osnovu člana 37. stav 1. tačka l) Ustava Zeničko-dobojskog kantona, i člana 52. stav (1) tačka 5. stav (2) i stav (3) Zakona o ustanovama („Sl.list R BiH“ broj: 6/92, 8/93 i 13/94) Skupština Zeničko-dobojskog kantona na \_\_\_\_sjednici održanoj dana \_\_\_\_\_2013. godine, d o n o s i

## **ODLUKU**

o davanju saglasnosti za pokretanje stečajnog postupka nad  
Javnom ustanovom „Dom penzionera“ Zenica

Član 1.  
(Predmet)

Daje se saglasnost na Prijedlog za pokretanje stečajnog postupka nad JU „Dom penzionera“ Zenica, zbog platežne nesposobnosti ove javne ustanove.

Član 2.  
(Zaduženja)

Zadužuju se Vlada Zeničko-dobojskog kantona da hitno utvrdi način zaštite postojećih korisnika usluga ove javne ustanove.

Član 3.  
(Stupanje na snagu)

Odluka stupa na snagu danom donošenja, a objavit će se u „Službenim novinama Zeničko-dobojskog kantona“.

**PREDSJEDAVAJUĆI**

Sretko Radišić, s.r.

Broj: \_\_\_\_\_/13  
Datum, \_\_\_\_\_2013. godine  
Zenica

Dostavljeno:  
1x Stručna služba Vlade  
1x Stručna služba Skupštine  
1x „Službene novine Zeničko-dobojskog kantona“,  
1x a/a

## **O b r a z l o ž e n j e**

### **PRAVNI OSNOV**

Prema odredbama člana 4. Zakona o stečajnom postupku („Sl. novine F BiH“, broj: 29/03,32/04 i 42/06) za podnošenje prijedloga za otvaranje stečajnog postupka za stečajnog dužnika ovlašten je zakonski zastupnik pravnog lica.

S obzirom da je JU „Dom penzionera“ Zenica osnovana Zakonom o Javnoj ustanovi „Dom penzionera“ u Zenici („Sl. novine Zeničko-dobojskog kantona“, broj: 14/96), to je Skupština kao osnivač ove javne ustanove, nadležna za davanje saglasnosti za pokretanje stečajnog postupka zbog nastupanja platežne nesposobnosti javne ustanove.

### **RAZLOZI ZA DONOŠENJE**

Obavještenjem vršioca dužnosti direktora JU „Dom penzionera“ Zenica od 23.05.2013. godine ovo Ministarstvo je upoznato da je Upravni odbor JU „Dom penzionera“ Zenica na vanrednoj sjednici održanoj 22.05.2013. godine donio Odluku broj: 351/2013 od 22.05.2013. godine o pokretanju stečajnog postupka. Također istim obavještenjem upoznato je Ministarstvo da je sačinjen i upućen u proceduru Prijedlog za pokretanje stečajnog postupka nad JU „Dom penzionera“ Zenica. Razlozi za naprijed navedeno su u tome što da je račun javne ustanove kod INVESTICIONO-KOMERCIJALNE BANKE DD ZENICA 134-010-000001 1566, blokiran u više navrata, a sada ponovo od 17.05.2013.godine po osnovu sudskog Rješenja o izvršenju broj: 43 0 P 043877 12 I, što proizlazi iz Potvrde banke koja se dostavlja u prilogu. Svaka blokada računa nastupila je zbog izvršenja pravosnažnih i izvršnih presuda po osnovu potraživanja iz radnog odnosa. Ističemo da je zadnja blokada računa nastala zbog potraživanja bivšeg zaposlenika ove ustanove.

S obzirom da su sve do sada preduzete mjere Vlade uticale na pokretanje poslovanja javne ustanove, a da pod prijetnjom stalnog blokiranja računa ustanove nije moguće organizovati dalje funkcioniranje ustanove, to se predlaže pokretanje procedure otvaranja stečajnog postupka.

Kako je u javnoj ustanovi već smješteno 28 korisnika usluga, vode se aktivnosti oko zaštite navedenih korisnika za koje je osnivač dužan nastaviti brinuti i nakon prestanka ustanove, te će se u narednom periodu po hitnom postupku izraditi prijedlog rješavanja ovog pitanja, što je u skladu sa članom 52. Zakona o ustanovama („Sl.list RBiH“ broj: 6/92, 8/93 i 13/94).

Iz navedenih razloga predlaže se Skupštini Zeničko-dobojskog kantona donošenje odluke kao u prijedlogu.

Ministarstvo za rad, socijalnu politiku i izbjeglice

M I N I S T A R

U Zenici, maj 2013. godine

\_\_\_\_\_  
Ivica Ćurić